

լով պատիւս Հայկան Նախնոյն մերոյ՝ թագաւորելով 'ի վերայ տանն Արարատայ աւելի կամ պակաս իբրև երեք հազար ամս. այլ որովչետև որ այժմոյս եղև չորս հարիւր ամս, որում ոչ ոք 'ի սերնդոց 'ի վերն ասացելոց իշխանաց ոչ ելան 'ի ինդիր ազգին Հայոց և 'ի տանն Արարատեան, որ ամայի մնալով ընդ իշխանութեամբ այլ ազգաց՝ կայ և մնայ մինչև ցայսօր. ուրեմն բարիօք լինի ազգին Հայոց զի այժմոյս երկայնամտութեամբ տարածեսցէ միտս իւր 'ի վերայ յանցանաց անցելոյ ժամանակին, և միտս առնուցու անհուն փասն որ եկն 'ի վերայ աշխարհին, և ազգին Հայոց՝ պատճառն ինքնակալ թագաւորութեամբ և ինքնակալ իշխանութեամբ, և ինքնակամ արարմանց որ երբեմն եթէ հանդիպեցաւ վիճակս թագաւորութեան արանց բարեաց: Օգուտն մեր ոչ եղև յաւելի քանթէ կալ և մնալ մեզ ծառայ նմայ. նանև ժամանակ ընդ ժամանակս, ըստ համեմատութեան փոփոխական բնութեանս մարդոյ՝ նեղեցաք 'ի նմանէ յոյժ, և անդրադարձն՝ եթէ վիճակ թագաւորութեան հանդիպեցաւ արանց չարեաց և անմտաց, իջուցին մեզ 'ի պատուոյ և երջանկութենէ ազատութեան մինչև 'ի խոնարհ, և վասն միայնոյ այս մեղաց ոչ միայն խոնարհ մեզ արարին յոյժ, այլ գերի այլ ազգաց նախատինք մարդկանց և արհամարհանք տեսողաց մերոց, և որպէս ոչ գոյ այսօր ոչօք